

四庫全書

史部

欽定四庫全書

建炎以來繫年要錄卷一百四十八

宋 李心傳 撰

紹興十有三年

歲次癸亥 金熙宗 宣統三年

春正月己丑朔上不

受朝詣慈寧殿賀皇太后太師秦檜率百官詣文德殿  
拜表稱賀遙拜淵聖皇帝于行宮北門

癸巳太傅醴泉觀使潭國公韓世忠請以其私產及上  
所賜田統計從來未輸之稅併歸之官從之仍賜詔獎

諭

戊戌上疏食齋于常御史遣太師秦檜冊加徽宗諡曰體神合道駿烈遜功聖文仁德憲慈顯孝皇帝

己亥上親饗太廟秦檜為大禮使簽書樞密院事程克俊為禮儀使普安郡王亞獻皇叔光州觀察使士街為終獻士街儀恭孝王子也是日平旦上自宮乘玉輅秘書少監秦熈執綏大臣兩省監察御史武臣正刺史以上朝服分左右騎道禮畢鈞容直作樂導駕還宮

辛丑立春節學士院始進貼子詞百官賜春幡勝自建  
炎以來久廢至是始復之

壬寅撤猷閣直學士致仕廖剛卒年四十七

癸卯太師秦檜等上表請立中宮詔答不允

熊克小歷  
在壬寅蓋

誤

設度牒並權住給降諸路已降未賣者拘收繳尚

書省 戶部尚書張澄入內內侍省都知諤並進秩

一等以車輅仗衛畢工故也 臨安府言獄空詔獎之

詔以錢塘縣西岳飛宅為國子監太學舊太學七十

七齋令為齋十有二曰禋身服膺守約習是允蹈存心

持志養正誠意率履循理時中

高閹擬齋名在二月乙酉今併書之

乙巳詔保信軍節度使兩浙東路馬步軍副都總管李顯忠令任俸給特免減借從所請也

丙午權禮部侍郎兼寶錄院修撰王賞言皇帝親饗太廟聖孝格天前數日陰雲欲雪至日澄霽伏望宣付史館以昭聖孝從之 左奉議郎提舉台州崇道觀李誼

復秘閣修撰知廬州 左朝散大夫許中復直秘閣知

揚州直徽歆闈知揚州陳克移知潭州 集英殿修撰  
新知湖州秦棣乞前後御書經史並以墨本頒賜諸州  
學宮從之

丁未安吉縣布衣談庚言本邑去秋有圓瓜並蒂合而  
為一此實皇帝孝治天下故見祥瑞以昭天意詔勿受  
自今有似此投獻者皆却之 武功大夫吉州刺史

閣門宣贊舍人鄂州駐劄御前捷勝軍副將楊浩除名  
昭州編管浩岳飛部曲坐誣訛朝政及私令人上書詐

不實也

已酉上謂宰執曰朕不畏多事事若多必入思慮大抵無事則怠忽易生不可不戒於是秦檜等贊聖謨宏遠天下幸甚又曰此所謂勅天之命上大善 殿中侍御史江邈權尚書吏部侍郎 詔大理寺丞袁杻燕仰之往靜江府推劾薇猷閣待制提舉江州太平觀胡舜陟不法事以聞先是舜陟帥廣西因奉詔討郴賊駱科餘黨以饋餉不繼與轉運副使呂源有隙舜陟劾源沮軍

事時有府吏徐竽者因獲罪舜陟杖而逐之竽乃陰求  
舜陟過失得其邕州買馬折閱事以告源源即奏舜陟  
因生日受知邕州俞僭百金又盜官馬八百餘匹贓污  
僭擬傲慢不恭萬一別生不測為患不輕又以書抵秦  
檜言舜陟非笑朝政檜素惡舜陟入其說遂奏遣耒等  
雜治仰之瑛子也

瑛青州人宣  
和戶部尚書

直秘閣新知邛州守

文擲勒停以言者論其夙負故有是命 監文思院何

幾先罷言者論席益之守平江府幾先出入其門是時



同朝大臣協心體國力佐恢復之勲而益嘗受知呂頤  
浩幾先傳會其意屬頤浩被命按閱江上屯營經由平  
江幾先乘此設為秘計勸益力說頤浩此行非策當有  
擠公於後者頤浩大以益說為然於是托疾於常不復  
前進是時朝論由是不復和一實自幾先發之今近居  
轂下安知其不包藏禍心密籌詭計以俟投隙而發故  
有是命

辛亥監察御史李文會守殿中侍御史

丁巳興寧軍承宣使張子蓋為兩浙西路馬步軍副都  
總管初張俊之薦王德代掌其軍也德以子蓋及俊親  
將馬立顧暉為軍中統制及俊罷樞柄德乃不禮子蓋  
等而罷之故有是命俊與德始有隙

戊午右迪功郎監潭州南嶽廟畢良史獻春秋正辭二  
十卷是書良史在汴都所著也奏入詔右諫議大夫兼  
侍講羅汝楫國子司業高閱看詳來上遂特改京官

趙

之遺史云良史初補文學既得三京地東京留守司俾  
推知東明縣良史乃搜求京城亂後遺棄古器書畫買

而藏之會金人敗盟良史無所用心乃教學講春秋及復得還遂盡載所有骨董而至行在上人喜於是以解春秋改京秩自此人號良史為單骨董

二月己未朔詔自今宰執轉官加恩正謝日衣帶鞍馬並依格全賜更不減半

庚申國子司業高閎特引對閎言陛下復興太學凡養士取士之法當取聖裁上曰自有祖宗成法閎曰有慶厯元祐紹聖崇寧法有司未知適從若出於聖裁則行之乃久閎又奏舊太學辟雍皆有御書今亦乞建閣以

藏御書仍願特灑宸翰加惠多士上許之閱又奏有一  
事最先經術是也上曰經不易通士習詩賦已久遽能  
使之通經乎閔曰先王設太學之意惟講經術而已上  
曰近侍讀官程瑀亦論經術閔曰國初猶循唐制用詩  
賦神宗始以經術造士遂罷詩賦又慮不足以盡人材  
乃設詞學一科試以雜文上曰詩賦亦雜文也閔曰取  
士以經義為主不過三場後加詩賦為四場不能無礙  
今欲經義第一詩賦第二論策各一第三上可之

辛酉太師秦檜等三上表乞選正中宮詔俟懿節皇后  
撤几筵日取旨 太師尚書右僕射秦檜以進書恩再  
封秦魏國公檜不受

壬戌上初御前殿特引四參官起居自建炎以來始有  
此禮

癸亥上曰近代獻書者時有怪誕祥瑞之說此與訛之  
漸不可長也前代往往喜聞圖讖朕所不取

乙丑更名永祐陵曰永固先是有旨從官同議定自是

權戶部尚書張澄等言永固二字不犯歷代陵名從之

此似同王程定言已

見紹興九年二月

殿中侍御史李文會入對文會

以朝廷方守和議不言兵乃奏仁義之說曰陛下至孝  
格天文德來遠慈寧以寧親永固以寧神偃兵息民天  
下大安則其仁固大矣曩者金人犯闕陛下毅然請行  
志存宗社及登大寶力圖恢復任賢去邪斷自宸衷而  
宗社再安則其義固大矣臣以是知陛下足以大有為  
願慎守此道而力行之太平之基實在於此後五日上

謂秦檜曰文會力陳仁義甚善朕令錄一本置之几案

欲常觀覽

上語在庚午今併附文會入對之日熊克小歷修潤其詞非文會本語也今從元奏

丙寅上曰為君不知春秋昧為君之道為臣不知春秋

昧為臣之道此書褒貶甚嚴真萬世之法上又曰為政

之要在辨忠邪此治亂所由分也秦檜曰書生喜論王

霸臣謂推誠任賢是為儒學施于有政是為王道挾術

任數是為雜學施于有政是為霸道上以為然

中興聖政臣留

正等曰為國而或王或霸治道之所出者同源異派耳  
甯政雖曰取雜而有紀綱有政事恩威足以使民勢力

足以強國如管仲晏子所以用於齊國者謂之不純于道德則可舉而謂之挾術任數則不可人而挾術任數邪孰甚焉未有不亂天下者是以太上皇帝曰辨邪正治亂之所由分也

揚武翊運功臣

太傅橫海武寧安化軍節度使醴泉觀使潭國公韓世

忠進封咸安郡王時劉光世始薨舊功大臣惟世忠與

張俊在俊勲譽在世忠左特以主和議故為秦檜所厚

顧先得王至是世忠願輸積年租賦于官乃有是命時

上又數召世忠等兼家屬燕于苑中賜名馬寶劍等甚

渥

世忠所以得王墓碑及諸書皆不載其制詞云願會賦租併歸官府重惟遠識實麗前賢蓋度越于常人



宜顯頌夫異授即指此也世忠奏請已見今年正月癸巳王明清揮塵第三錄紹興癸亥和議初成有南雄太守黃遠如者考滿還朝獻言請盡誅前此異議之士庶幾以杜後患秦會之喜之薦為監察御史方數日廣東使者韓球按其贓污鉅萬奏牘既上雖秦亦不能侷僅止罷黜人亦快之

皇叔保慶軍

承宣使知大宗正事權主奉濮安懿王祠事士會為安德軍節度使以迎護之勞也

已已上謂大臣曰古人琴制不同各有所屬朕近出意作盾樣以示不忘武備之意 詔清河郡王張俊咸安

郡王韓世忠平樂郡王韋淵並五日一朝

庚午詔自來年為始令太史局遞賜諸路監司守臣歷日  
以廣西轉運判官李紹祖省記有請也

乙亥減雷化高融宜廉邕欽賀貴十州免行錢用去年

七月詔旨也提刑司初請其半上特命除之

十七年四月丙申又

減

左承事郎沈介潘良能左宣教郎洪适左宣義郎

游操並為秘書省正字良能良貴弟操建陽人也四人

皆以勅局進書恩自刑定官改秩而有是命 左朝散

郎提舉江州太平觀象符知遂寧府符有田在蘇因留

居之秦檜不樂符遣還蜀

丁丑詔自今宰臣已下遇節序令客省依格簽賜節料  
已卯宰執奏福建安撫使葉夢得措畫弭盜之事上曰  
盜之竊發多緣守令非人培克所致宜令帥司條具凡  
有害於民者除之自此夢得或招或捕或誘之相戕三  
策並用然頗與監司相異至交奏其事監司謂盜魁林  
元仲必不可致既而夢得遂招致之又謂俞徹明必再  
叛萬少侓必大熾而夢得處之皆定異議遂息 國子

司業高闕言太學者教化之本而最所當先者經術是也自漢以來多置博士而後世所謂詩賦論策皆經術之餘耳太學舊法每旬有課月一周之每月有試季一周之亦皆以經義為主而兼習論策為三場苟加一場則旬課季攻之法遂不可行自元祐以來雖臣僚累奏請加詩賦通為四場而終不施行者蓋為此也自罷詩賦之後朝廷恐專門之學未足以收實用乃別設詞學一科試以制詔表章之類通謂之雜文臣今參合條具

太學課試及科舉三場事件第一場大經義三道論語  
孟子義各一道第二場欲以詩賦第三場以子史論一  
首并時務策一道永為定式閱又言今比歲郡國雖有  
學而與選舉不相闕今參取祖宗舊制通以當今之宜  
補太學生以諸路往本貫學滿一年三試中選不曾犯  
第三等以上罰游學者同或雖不住學而曾經發解委有士  
行之人教授保委申州給公據赴國子監補試諸路舉  
人以往本貫學半年或雖不住學而兩預釋奠及齒于

鄉飲酒禮者

縣學同仍籍記姓名

本學次第委保教授審實申州

聽取應仍自紹興十四年為始皆從之

何備迥鑑或者乃曰敵勢如焚

國勢如綫彌文綉典何暇蒐舉得無蹈宣靖之覆轍乎  
愚應之曰不蒸科舉因所以沮天下豪傑之氣亦所以  
收天下豪傑之心苟無科舉以取之學校以養之則士  
之不知愛重者不入于敵則入于盜矣張九成之策李  
時雨之書何由而來哉

辛巳秘書省著作郎王揚英周執羔並為尚書吏部員

外郎先是日歷所修書自建炎元年至去年成五百九

十卷秘書少監秦熈因與揚英等書皇太后回鑿本末

上之壬午詔燔揚英執羔各進官一等自秦檜再相取其罷相以來一時詔旨與夫斥逐其門人章疏或奏對之語稍及于已者悉更易焚棄由是歷時政記亡失極多不復可以稽考逮其擅政以來凡所記錄莫非其黨

姦佞之詞不足以傳信天下後世矣

王明清後錄云開之徐度

秘

書省校書郎兼益王府教授嚴抑守秘書丞 秘書

省校書郎兼吳王府教授張闡為秘書郎兼國史院檢

討官專修祖宗寶訓 尚書右司員外郎李若谷右司

郎中王師心並遷左司吏部員外郎梁弁考功員外郎  
游損並遷右司 左文林郎真州州學教授揚邦弼左  
迪功郎陳鵬飛並為太學博士初除博士員也鵬飛永  
嘉人秦熺唱榜名第四故事廷試三人兩任回始名至  
是熺已為秘書少監故並擢之 川陝宣撫副使鄭剛  
中言奉旨相度茶馬兩司每年應副都轉運司錢物今  
相度乞將成都府路提刑轉運司合椿坊場鼓鑄食茶  
稅錢三色共二十三萬緡令都運司徑行取撥外更那



融續添錢八萬緡通作四十萬緡并取博馬絹一萬八  
千七百五十匹自紹興十二年為頭應副從之自趙開  
行鈔法每茶百斤為一大引令商人輸引錢市利共六

引八百文至是遞增為十一引

紹興七年李迥增一引  
二百丈八年張深增四

引八百文九年趙開減三引十  
年馮康國增一引半共為此數時物價騰湧茶商取息

頗厚自得旨取撥之明年王管官左朝請大夫賈思誠  
又增為十二引三百文於是諸場類皆溢額而買馬之  
數復不加多人但知茶馬司之富甲天下其實所收引

錢視建炎增倍後雖破敗不可復減矣

淳熙十四年李  
大正裁減事可

考

乙酉詔令臨安府建景靈宮先是言者謂自元豐始廣景靈宮以奉祖宗衣冠之游即漢之原廟也自艱難以來庶事草創而原廟神游猶寄永嘉四孟薦享旋即便朝設位未副廣孝之意望命有司擇地做靈宮舊規以建新廟迎還列聖粹容庶幾四孟躬行獻禮用慰祖宗在天之靈事下禮官至是權禮部侍郎王賞等乞體

做温州見今安奉殿宇令本府同修內司隨宜修葺

熊克

小歷載此事在三月丁酉與日歷不同

其後創于新莊橋之西以劉光世

賜第為之

光世家進納賜第在三月庚子今併附此

築三殿聖祖居前宣祖

至徽宗居中昭憲而下二十一后居後掌官內侍七人

道士十人吏卒二百七十六人上元結燈樓簾幙歲一

易歲用酌獻二百四十羊凡帝后忌辰通用僧道士四

十七人作法事

中興聖政呂中人事記秦檜始則倡和議以誤國中則挾敵勢以要君終則飾

虛文以為中興使一世酣茶於利欲之中奉敵稱臣而不以為恥忘讎事敵而不以為怪其弊可勝言哉紹興

十一年置五牒所十二年作崇政臺拱二殿十三年築  
園丘建太社太稷園子監太學十四年置宗子學建秘  
書省御書院十六年建武學二十五年建執政府二十  
六年築兩相第二十七年建尚書六年定都二十年而  
郊廟宮省之制亦已具備矣紹興十年明堂備大樂十  
三年初謁景靈宮合祭天地建金雞肆故班鄉飲酒儀  
十四年作渾天儀復教坊樂工十五年行大朝會禮十  
六年製常行儀衛耕籍田郊備祭器設八寶作景鐘聞  
禮器奏新樂十七年祠高禩十九年定蜡義十八年圖  
景靈宮酌享功臣息兵三十年而禮樂文物亦畧備矣  
國家靖康之禍乃二晉之所未有中國衣冠禮樂之地  
宗廟陵寢郊社之所盡棄之敵禮器樂器儀尊彝鼎馬  
輅冊冕黼簿儀仗之物盡入於敵渡江以來庶事草創  
皆至檜而後定然耕籍朝覲祀明堂養老更武王克商  
後事也辟雍明堂籍田光武平隴蜀後事也今果偃武  
修文時耶果息馬論道時耶宮室雖備而忘前日巡幸

之懼矣郊廟雖具而忘前日宵旰之憂矣朝儀雖肅而忘前日扈從之勞矣文物新而忘前日根括之慘矣趙鼎告高宗曰願陛下毋忘親征時王庶謂秦檜曰公不思東都抗節存趙時而忘此敵乎洪皓曰錢塘曾居而太廟景靈宮皆極土木之華豈非示無中原意乎

三月辛卯詔宴殿陳設止用緋黃二色勿以文繡上以祖宗朝殿帷但用純綵後來寢多文繡故屏去之也

熊克

小歷附此事於正月癸巳今從日歷

國子司業高閎請在學人依徽宗

御筆復立三年歸省之限以彰孝治上曰舊有九年之法至徽廟方改作三年豈有士人九年而不省其親者

平其從之 川陝宣撫副使鄭剛中乞增印錢引四百萬緡許之先是直秘閣四川轉運副使井度言右護軍歲計闕七百七十八萬緡乞撥四川免行錢五十萬緡仍添印錢引戶部奏免行錢乃朝廷窠名不可予止命增印馬

癸巳資政殿大學士左正議大夫提舉臨安府洞霄宮張守貶秩二等時右宣教郎添羞通判常州陳袤以貪贓屬吏而言者謂守實庇之故繫久不服遂有是命

武節郎閤門宣贊舍人趙瓌等並轉一官以初御正殿  
應奉無差失故也 直龍圖閣葉三省知信州代還言

鉛山縣民王小十取肝以愈母病蓋陛下躬行孝德風  
化之所致乞詔有司旌其門閤易其鄉號仍宣付史官  
從之 右武大夫榮州防禦使新知辰州邵隆興武功  
大夫貴州刺史知叙州劉光弼兩易

乙未詔文宣王廟門立戟二十四 中書舍人兼修玉  
牒官揚愿兼侍講國子司業高閱兼宗政殿說書閱仍

進講左氏傳

丙申拱衛大夫貴州防禦使殿前司忠勇軍統制輔遠  
為江南東路馬步軍副總管罷從軍 左從事郎廣南  
鹽事司幹辦公事鄭厚罷以言者論厚頃緣劉大中力  
薦及為泉州察推唯知諂事趙鼎比因誤殺罪囚例與  
衝替乃謗議朝政簧鼓衆聽故也

乙巳詔臨安府建太社太稷言者以謂社稷之祠王者  
所重故漢光武東遷則置於雒陽國家南渡以來上戊



之際寓于佛祠未副事神保民之意望下禮官講明擇地為壇以備春秋之禮故有是命 詔昭慶軍節度使

開府儀同三司致仕平樂郡王韋淵依舊行在居住初

令淵致仕居處州未行復留之

淵致仕諸書全不見不知何故當考

丙午詔臨安府同殿前司修築園丘于龍華寺之西壇

四成上成縱廣七丈下成二十有二丈分十三陛陛七

十有二級壇及內壇凡九十步中壇外壇共二十五步

以龍華寺為望祭不築齋宮

詔僧及道士於淮南京

西沿邊行遊者禁之

辛亥明州言自廢廣德湖田歲失官租三千餘斛請復

以為田從之

事祖見九年五月

甲寅中衛大夫慶遠軍承宣使劉光烈落階官為崇信軍承宣使以光世薨特遷之也

乙卯初命官告院監官書綾紙之背以防姦弊

熊克小歷在甲

寅蓋

法

丙辰直秘閣兩浙西路提點刑獄公事王鈇陞直徽猷

閣缺獻親享太廟賦而後省官言其古雅故有是命

左宣教郎汪勃為太常寺主簿勃黜縣人也

紹興二十八年六月

庚寅葉義問奏勃為建德縣丞贓污不法為邑人所訟秦檜與之有舊監司庇之沒得美官

起居

舍人兼侍講兼權中書舍人程敦厚言臣昨侍經筵恭

聞聖訓以通和之初異議者甚衆今皆退聽蓋異議小

人初不為陛下社稷計務于不靖以售其姦今事既大

定矣固不容不退然而其所以退聽者則不可不察臣

觀異議小人其罪惡顯白者陛下雖已為社稷棄之而

其黨猶衆匿情詭跡布于中外既不得於其前則將害  
於其後故今朝廷一有所成尚相與詆曰是墮隣謀也  
是非國福也一有所作又相與詆曰是不節財也是重  
困民力也曾莫知悛至于甚者輒更肆險詖以中傷善  
類欲惑移上意以規取顯美期於必勝而已幸陛下明  
良胥契鎮以一德然風俗如此臣竇寒心臣益願陛下  
謹察其微而大明賞罰焉庶使異議絕息風俗歸厚永  
固丕圖臣不勝拳拳之心

敦厚文集云紹興十三年所  
上而無其月按敦厚以六月

一日罷而此疏首云昨侍經筵則必春講之時也故且附三月末

夏四月己未右朝奉大夫通判臨安府万俟卨為荆湖南路轉運判官虎高兄也

庚申上諭宰執曰郡政以循良稱者便與擢用庶為郡守之勸今兵事少息當以民事為先卿等宜博詢之

壬戌御史臺檢法官詹大方秘書省正字游操並為監察御史大方建德人也 右承事郎知嚴州淳化縣孔

括為右宣義郎先是浙西提點刑獄公事王鈇言括治

狀輔臣進呈上曰可與轉一官令再任任滿更與陞擢  
縣令最親民而員最多難於一一選擇但有治狀者進  
用之有過惡者黜責之使知所勸懲則人自勵而不害  
吾民

癸亥詔禮部以鄉飲酒儀制鏤板遍行郡國比部郎中  
林保請之也翰林司言依例自五月下旬進時果一  
合至八月初止詔御前權不供進皇太后如例

丁卯昭慶軍節度使開府儀同三司平樂郡王韋淵落

致仕充萬壽觀使乃奉朝請

癸酉右諫議大夫兼侍講羅汝楨試御史中丞 監察

御史詹大方守右司

丙子左朝奉大夫知漳州韓岳代還入見請復孝悌力

田科上謂大臣曰漢有此科固可以厚風俗然祖宗未

嘗行可令講究不可輕易創立祖宗未行之法也

岳初見紹

興七年

四月

丁丑直秘閣主管台州崇道觀喻汝礪卒

庚辰兩浙轉運副使張叔獻等乞依元祐古迹於華亭置閘以捍鹹潮上曰今邊事初息當以民事為急民事當以農為先朕觀漢文帝詔書多為農而下以農者天下之本置閘其利久遠不可憚一時之勞也乃令叔獻措置殿中侍御史李文會論寄居士大夫干擾州縣又監司郡守類皆親故莫敢誰何望嚴加戒約儻或不悛令監司郡守密具姓名聞奏重寘典憲不以赦原從之時士大夫與奏檜異論者多奉祠里居或僑寄他郡



自是以次被罪矣 秘閣修撰張祁直秘閣李健並落  
職祁監漢陽軍健監德安府在城酒稅以李文會奏祁  
治獄不當為不仁健嘗仕偽庭為不義也健之劄曰往  
者元惡盜我魁柄濁亂國經為不道之宗主故汝得以  
免賴天之靈國是大定汝曾不知缺而從搢紳之後罪  
豈勝誅制詞所云蓋指趙鼎與張浚也 左朝議大夫  
提舉洪州玉隆觀胡思左朝散郎直顯謨閣徐林並勒  
停思南劍州林興化軍居住兩浙轉運副使李椿年言

二人廣為謗訕必欲沮經界之政故責之 皇伯保平

軍節度使安定郡王令憲薨贈少師後追封惠王謚襄

靖

癸未懿節皇后撤几筵上素服焚香以太師秦檜為禮儀使是日禁在城音樂屠宰及停決大辟囚

丙戌詔宰執四叅官赴垂拱殿習看石位 是日宰執

奏事上曰數日來太后趣行策命中宮之禮朕乞太后降一指揮太后不肯云我但知家事豈預外廷太后知

國體故重慎如此秦檜等曰太后有定命陛下奉行可也

丁亥國子司業高閎言舉人春秋欲依舊制止於正經出題從之先有是旨許於三傳解處出題閎謂如此則是三家者與六經並行以春秋之法繩之三家者當被僭聖作經之罪乃下禮部如所請

是月蒙古復叛金主亶命將討之初魯國王昌既誅其子薩罕圖卽君者率其父故部曲以叛與蒙古通蒙古

由是強取二十餘團寨金人不能制

此據王大觀行程錄按松漠記聞達

蘭長子達爾瑪被囚遇赦得出達蘭次子章嘉為平章皓以今年六月歸乃不見此事未知孰的今姑附見更俟考詳十六年八月末可參考

先是都元帥越國王宗弼疑知亳州王

彥先至南朝常泄其國中陰事乃從彥先知澶州而調其子保義郎大觀從軍北討寶質之也大觀者年二十餘驍猛善騎射以事劉麟擊踰得官宗弼以為保義校尉

閏四月戊子朔上曰祖宗時殿宇皆用赤土刷染飾以

桐油蓋以國家尚火德故也所以只用赤土桐油者弊則易於更修後來多用朱紅漆不維所費不貲且難於修整檜等曰此有以見陛下追述祖宗之儉德也

己丑立貴妃吳氏為皇后制曰顧我中宮久茲虛位太母軫深遠之慮羣臣輸悃幅之忠宜選淑賢以光冊命敷文閣直學士兼直學士院秦梓所草也三省行首司言事大體重乃詔太師尚書左僕射秦檜押麻右從政郎兩浙東路安撫司準備差遣楊適特改右宣教郎

通時子也上召見遂以為司農寺主簿

通除寺簿在六月壬寅

庚寅上諭大臣曰近右朝請大夫吳說上殿言湖台之家士大夫多藏書者緣未立賞故不肯獻卿等可求太

宗朝訪遺書故事依倣行之

是月己亥行下

壬寅宰執奏兩浙漕臣張叔獻言天申節錫宴在邇本司合造山樓而木植未備欲借慈寧殿山樓用之上曰此皆朕自置專奉太后宴設不欲他用姑借與木植其綵段不可假恐或損污非朕所以奉太母之意也御

史中丞羅汝楫奏太常寺主簿王勃充本臺檢法官從之

丁酉詔金州撥屬利路直寶文閣提點江淮荆浙福建廣南路坑冶鑄錢韓球請籍坑場戶姓名約定賣納銅數許之先是贛饒二監歲鑄錢四十萬緡提點坑冶趙伯瑜以為所得不償所費遂罷鑄錢歲額銅鐵積而不用盡取木炭銅鉛本錢及官吏缺額衣糧水脚之屬湊為年計至是球必欲盡鑄新錢調民興復廢坑至於

發墳墓壞廬舍而終無所得郡邑或毀錢為銅以應其

命民大以為擾其後歲收銅二十萬金

潼川府興利饒信池潭連韶汀

建南利州仰武軍凡十四場總二十六萬三千一百六十九斤九兩係黃膽二色

鐵二十八萬

斤

洪信饒池嶽撫吉江舒潭辰處建韶黃惠賓鬱林州興國軍凡三十八場總二十八萬三百二十斤十三兩

鉛十九萬斤

信舒潭街峽衛處溫韶連潯邕建賓南利南恩州興國桂陽軍凡二十四場總十九萬一千二百有

錫二萬斤

衡柳賀州桂陽軍凡五場總二萬四百五十八斤

不登祖額

此紹興三十二年虞部數也祖額銅七百五萬斤鐵二百十六萬斤鉛三百二十一萬斤

錫七十

六萬斤



戊戌殿中侍御史李文會論前知閩縣李汝明贓污上  
謂大臣曰縣令最衆安得人人而知之若一一待臺諫  
論列何用監司今後贓污人為臺諫所論而監司失按  
發者量與降官庶知所懲行之數年贓吏自然少矣時  
本路提轉黃積厚陳楠賀允中余應求已代去皆坐貶  
秩焉八月癸卯行遣 呂中大事記檜雖監司帥守到  
闕必要珍寶數萬貫乃得差遣而上則嚴監司失  
按發贓污為臺諫所論者監司量與降官又令監  
司按縣令申嚴監司巡歷法其飭吏之嚴自若也

己亥詔紹興府守臣即直秘閣陸寘家錄所藏書以實

三館

壬寅詔人戶應管田產雖有契書而今來不上砧基簿者並拘沒入官用兩浙轉運副使措置經界李椿年請也時椿年行經界法量田不實者罪至徒流江山尉汪大猷覆視龍游縣白椿年曰法峻民未喻固有田少而供多者願許首復改正又謂每保各圖頃畝林塘十保合一大圖用紙二百番安所展視椿年聽其言輕刑省費甚衆大猷鄞縣人也詔諸州自長貳外非公筵若

休告毋得用妓樂燕集違者坐之

癸卯詔少保兼領殿前都指揮使職事楊存中遇合執  
仗子侍立特令依舊窄衣執骨朶

甲辰冊皇后吳氏太師尚書左僕射秦檜為奉冊寶使  
叅知政事王次翁為副使冊文檜所撰而叅知政事万  
俟卨所書寶文則簽書樞密院程克俊所篆也權禮部  
侍郎直學士院王賞為禮儀使上御文德殿授冊后即  
穆清殿廷受之通設黃麾半仗千四百九十九用宮架

樂其受冊讀冊舉冊悉以內侍為之時太常無女工乃命設於穆清殿門外

丙午新除宗正少卿何麟依舊直秘閣知嘉州以殿中侍御史李文會論其浮薄夸誕也

戊申數文閣直學士提舉萬壽觀兼侍讀直學士院資善堂翊善秦梓為翰林學士梓直北扉踰半歲至是草后制而命之

己酉吏部員外郎王揚英乞命史官編靖康建炎忠義

錄俾見危致命臨大節而不可奪者託無窮之傳詔付史館其后書不克成

庚戌賜武當軍節度使川陝宣撫司都統制楊政漢中田五十頃政自興元入朝故有是命

辛亥權尚書禮部侍郎兼寶錄院修撰兼侍講權直學士院王賞落權字以中宮冊寶成禮也

壬子戶部供上諸路月椿錢上諭輔臣令析其數為二存其有窠名者餘悉蠲之

十七年八月  
丁巳又減

癸丑太常寺言皇后受冊畢依儀詣景靈宮行恭謝之禮從之

甲寅上諭大臣曰昨日上殿楊大任其人昏老難當郡寄可處以宮祠似此等人作郡臺諫欲論又無顯過但千里之民陰被其害今後郡守卿等審悉之秦檜等曰謹遵聖訓吏部員外郎王揚英兼國史院檢討官

此恐是專修  
忠義錄當考

乙卯參知政事王次翁充資政殿學士提舉臨安府洞

霄宮次翁執政凡三年至是引年求去而有是命

王明清揮

塵錄所云上終惡次翁秦檜諭使辭位已見紹興十一年八月丙寅皇太后渡淮注

建炎以來繫年要錄卷一百四十八

欽定四庫全書

建炎以來繫年要錄卷一百四十九

宋 李心傳 撰

紹興十有三年五月庚申上諭大臣曰人言南方不宜  
牧馬昨朕自創行雖所養不多方二三年已得駒數百  
此後不患不蕃與自川廣市來病不堪乘而沿路所費  
不少計之一匹自省數百千秦檜曰儉以足用寬以愛  
民魯頌專言牧馬上又曰國家自有故事京城門外便



有孳生監每年所得甚多祖宗用意可見也奏事退遂

即射殿引馬召輔臣同觀之

熊克小歷在  
癸巳蓋誤

武德大夫

游士宣等各進一官士宣楊政親校用吳璘例遷也

壬戌太常寺言郊祀仗內鼓吹八百八十四人令樂部

全闕宜下三司差撥從之

鼓吹用鉦鼓鏡角威栗管笛  
等晝在仗內導駕夜在警場

嚴奏

甲子秦檜奏牧馬事上曰此事在乎得人朕初令楊宗  
憫管馬五十匹忠憫不理會得牧養一年之間死損俱

盡後得張建壽副之更無死損以此知全在得人  
不惟養馬凡事皆如此得人則無事不濟矣時建壽以武德

大夫領貴州刺史於是遷右武大夫忠州團練使

建壽遷官

據程敦厚外判集  
附入日歷無之

秘書少監秦煥權尚書禮部侍郎

詔奉議郎張九成作與宮觀人令南安軍居住九成

既免喪秦檜取旨上曰可與宮觀此人最是交結趙鼎  
之甚者自古朋黨惟畏人主知之此人獨無所畏檜曰  
陛下知人之明如此誠帝王之大德也既而右司諫詹

大方言頃者鼓唱浮言九成實為之首徑山僧宗杲從  
而和之令宗杲已遠竄為之首者豈可置而不問望罷

九成宮觀投之遠方以為傾邪者之戒故有是命

九成得祠

在閏四月乙卯今併書之熊克小歷於今年方書九成  
落職謫居宗杲編管皆誤也九成落職宗杲編管在十  
一年五月甲子

兵部員外郎錢時敏言令將享廟及

已見本月日

郊當用仗內馬步導從之人而龍神衛上四軍未及舊

額三分之一詔殿前馬軍司招填

乙丑武當軍節度使副衛親軍步軍都虞候知興元府

蕙川省宣撫使司都統制楊政檢校少保時端明殿學士鄭剛中為川陝宣撫副使節制諸將極其尊嚴三都統每入謁必先庭揖然後就坐及右護軍都統制吳璘陞檢校少師來謝語主閤吏乞講釣敵之禮剛中曰少師雖尊猶都統制耳儻變常禮是廢軍容璘皇恐聽命丁卯左迪功郎何備獻中興龜鑑十卷詔遷一官

已巳起復武經大夫兼閤門宣贊舍人知亳州完宏除名福州編管宏嘗為秀州兵馬鈐轄教所部為盜而分

其財事覺故抵罪焉

辛未詔左從事郎鄭厚自令不得差充試官及堂除厚嘗著書號藝圃折衷其言有詆孟軻者駕部員外郎王言恭言于朝詔建川毀板其已傳播者皆焚之

壬申追封懿節皇后曾祖右監門衛大將軍贈太傅邢允恭為恭王中奉大夫贈太師宗賢為永王父慶遠軍節度使贈太師楚國公煥為安王 詔國子監置博士正錄各一員學生權以八十人為額 尚書左司郎中

兼權太常少卿王師心及丞博士簿禮部郎官並進秩一等以中宮冊禮成故也

乙亥中書舍人兼侍讀楊愿請做唐乾元及國朝故事詔天下置放生池祝聖壽工部郎中林又請以臨安府西湖為放生池從之既而上恐其妨民諭輔臣舊有者令復之不然則否又尤溪人也

丁丑天中節宰臣率百官上壽京官任寺監簿已上及行在陞朝官並赴始用樂近臣進金酒器銀香合焉郡

縣錫宴皆如承平時

三月庚子申  
用得旨許進

己卯大宴集英殿

辛巳敷文閣待制知臨安王暉以燕殿成陞直學士

壬午上諭大臣曰承平時大燕及策中官事太后一一能記考之故事所說皆同秦檜曰太后聰明如此上曰太后在敵中十六年未與皇后相識今此一見便相喜如太后飲食衣服皆皇后親自供承太后未嘗有所需求每云飲食衣服只取飽煖不欲以細故擾思慮自太

后歸朕於宮中事更不費力遂得專意外治檜曰大抵興運至陛下凡事皆如意正家而天下定矣 詔兵工

二部官將作軍器監官各進秩一等以冊寶燕殿皆成推恩也 右承事郎臧保衡獻皇太后還慈寧宮頌特進一官

癸未詔皇后曾祖故贈太子太保吳文誠追封恭王祖贈太子太傅從享封和王父武翼郎贈太子太師追封榮王右武郎帶御器械吳益為成州團練使武翼郎閻



門宣贊舍人吳蓋為文州刺史親屬恩澤與二十五人  
以后受冊推恩也

甲申言本府及錢塘等九縣獄皆空詔獎之

六月丙戌朔起居舍人兼權中書舍人兼侍讀程敦厚  
謫知安遠縣敦厚攝西掖幾年數求即真太師秦檜進

擬上曰俟何麒至當並命之

王栻撰行狀云丞相嘗進  
擬欲以為真上曰何麒至

當並命之麟上所厚也何公入朝未幾以臺評斥去公  
亦數忤丞相意向之不同者文口譏公遂用言者然知

安遠縣

麒未抵國門以臺評黜去敦厚數登諸將之門會

韓世忠之妾周氏陳氏張俊之妾章氏楊氏並封郡夫人敦厚行詞極其稱美他日從世忠飲罷酒因懷其飲器以歸檜聞益怒之殿中侍御史李文會即劾敦厚鼓唱是非中傷善類醜德穢行難以恣陳前一日麒至直秘閣新知嘉州改邵州而敦厚遂黜

戊子倉部員外郎王循友言國家平昔漕發江淮荆浙六路之粟六百二十餘萬和糴之數又在其外而近歲上供之數纔二百八十餘萬除淮南湖北凋殘最甚蠲

故之外兩浙號為膏腴沃衍粒米充羨初無不耕之土而較之舊額亦虧五十萬石此蓋稅籍欺隱豪強巨室詭名挾戶多端以害之也比者兩浙漕臣建議欲正經界朝廷從而行之若使盡究隱田庶幾供輸可足舊額欲望訓勅諸路漕臣各令根檢稅籍之失上謂輔臣曰所論可行蓋農桑衣食之本然須有所勸懲勿為文具拱衛郎行營右護軍俊部提振軍馬吳拱充階成岷鳳路兵馬都鈐轄 國學進士敦義重賜旌表門閭義

重莆田人本軍言其事母至孝甘露降于墓廬故有是命

壬申殿中侍御史李文會論右宣教郎簽書江陰軍判官廳公事蔡崇不法勒停上曰不按發監司須當行遣天下事必待臺諫論列臺諫豈能盡知之監司乃朝廷耳目豈可坐視不舉於是提轉王鈇李椿年張叔獻皆坐降官詔三衙及御前諸軍統制統領將官月支供給錢自百五十千至三十千凡五等自今諸軍擅差軍

兵回易委主仰及興販州縣收捉押赴朝廷依私役禁  
軍法所販貨物計贓坐罪必罰無赦州縣知而不舉與  
同罪時既已罷兵而諸將猶回易以營其私議者以為  
浸壞軍政故有是命既而尚書省乞都統制月支供給

錢二百千從之

尚書省奏在  
七月甲子

棣州防禦使鎮江府駐劄

御前中軍副統制成閔為殿前遊奕軍統制 中侍大

夫武勝軍承宣使鄂州駐劄御前選鋒軍統制李道為

前軍統制先是軍官老病者皆授添差雜軍都統制田

師中言本管軍馬不可闕官故有是命於是中軍副統制郝最陞權選鋒軍統制後軍副統制李山遷中軍副

統制餘以次陞焉

按前軍統制張憲以十一年十二月  
誅死今且二年不知何以始差正官

當考資政殿學士提舉臨安府洞霄宮張激薨

癸巳壽星院乞撥給度牒上曰朕觀昔人有惡釋氏者即非毀其教有好釋氏者即崇尚其徒二者皆不得中朕於釋氏但不能使其太盛耳言者皆欲多鬻度牒以資國用朕謂不然一度牒所得不過一二百千而一夫

不耕其所失豈止一度牒之利若住撥十數年其徒當自少矣 檢校少保武當軍節度使知興元府兼川陝宣撫司都統制楊政辭還鎮命坐賜茶

甲午宮正翰氏為才人

丁酉敷文閣直學士知臨安府王煥言太學將畢工養士之費當預備已括到民間冒佔白地錢歲入三萬緡有奇養士三百恐可足用從之

戊戌輔臣進呈鈞容直乞推賞上曰樂人無出官法可

與支賜及轉資昔有教坊官求為郡者太祖以唐莊宗為監不與之止令於樂部轉遷此祖宗之良法也 吏

部員外郎周執羔轉對乞戒諸路監司巡按檢視簿書凡財用之出入無簿書押者必按以不接之罪又乞命

帥臣區別條目下諸路州軍廣行搜訪徽宗御製皆從

之

臣謹按秦檜再當國柄十有八年自定和策勳之後士大夫無有敢少違其意者故一時輪對臣僚但毛

舉細務以應詔旨如紹興二十七年六月黃中所論从上諭大臣之辭益可見也故自今年以後至紹興二十五年十月己卯以前執事而對劄見於施行者共有二百二十四事蓋撮其大畧書之其間則亦有闕於民間



利害者蓋自可  
以考其人焉

辛丑温州進士蔡大忠上書獻太平十慎論人主誠心

等事當有始有終工以其言有理

熊克小愿在七月已  
未按日歷實在此日

降旨但七月辛酉上  
語及之克不詳考耳

壬寅端明殿學士簽書樞密院事程克俊仍舊職提舉  
臨安府洞霄宮克俊為言者所攻及引疾故有是命

甲辰中書舍人張廣提舉江州太平觀坐朋附程克俊  
動搖國是為殿中侍御史李文會所劾也或曰中書舍

人楊愿疑廣薄已愬于秦檜故因事斥之

汪藻撰廣墓碑云公在後

省見事有不當人心者必諄諄為上言之其托緣俸恩  
繳詞頭者非一人益嘆重焉由是勲臣輩大不樂公而  
公不恤也居無何吏部調引敕行詞公欲廣上思澤為  
之秉燭草制言者咎公太遽罷中書舍人按今日歷所  
載大會全章乃殊不及此事不知何也王明清揮塵錄  
餘話云張彥實掌外制楊原仲並居西掖代言多彥實  
與之潤色初亦無他彥實偶戲成二毫筆絕句云包羞  
魯借虎皮蒙筆陣仍推免作鋒未用吹毛強分別即令  
同受管城封原仲以為誦已大怒愬於秦

右宣教郎

元盟行太學錄

元盟已見紹興  
元年四月

全州文學師維藩權國子

錄

維藩已見紹興  
元年八月

維藩既上書不得用聚徒于福州之長

溪閩浙之徒從之者數百人福清林栗其高弟也至是以累舉得官會太學初建國子司業高閎等言維藩博通古今士人推服建學之始宜得老成誘掖後進輔臣進呈上曰師儒之任尤當遴選須心術正者為之將以經旨喻後進若有邪說學者從而化之為害不小既而右司諫詹大方言盟刻薄豈足當師儒之任盟遂罷去何備龜鑑太學之補則曰士人進取不可不謹今日所養可以見異日之所為學官之除則曰師儒之任尤當遴選須得心術正者與之講解則學校不為無益也

武功大夫忠州刺史閣門

宣贊舍人新知欽州劉紹先貸死除名械送廬州編管籍其貲坐前任統兵官虛招効用盜請錢米故也

庚戌金人遣通問使徽猷閣待制洪皓直龍圖閣張邵修武郎朱弁還行在先是金主亶以生子大赦令燕雲汴三臺普度童行有籍于官者為僧及道士奴婢欲脫隸役者纔以數千請囑即得之得度者亡慮三十萬於是始許皓等南歸中興奉使幾三十人生還者三人而已時右文殿修撰崔縱右武大夫和州團練使郭元邁

與靖康所遣徽猷閣待制張宇發尚書主客郎中林冲之皆没于敵至是敵以縱遺骨遞還初皓既辭官敵復令往雲中校進士識金法嘗被任使者永不可歸皓稱疾固辭不得命考官孫九鼎與皓有太學之舊為之請金乃許之

辛亥翰林學士兼侍讀資善堂叟善秦梓充龍圖閣學士知宣州梓引疾乞退故有是命 處州軍士楊興等謀殺守臣左朝請大夫徐伋以叛為軍校張行所告捕

誅之

癸丑上謂輔臣曰近觀諸郡所奏便民五事固有法已該載亦有一方之便朝廷未知者宜委都司看詳其便民者即與施行無事虛文也 是日薇猷閣待制提舉江州太平觀胡舜陟死于靜江獄初大理寺丞燕仰之表桄至靜江遂以舜陟屬吏居兩旬辭不服而死舜陟再守靜江有惠愛邦人聞其死皆為之哭丐者亦斂數千錢致祭既而舜陟妻汪氏訴于朝詔左朝奉郎通判

德慶府洪元英寃實元英言舜陟受金事涉曖昧其得人心雖古循吏無以過上謂秦檜曰舜陟從官兼罪不

至死勘官不可不懲於是仰之桡皆送吏部

行遣在明年二月甲

申今併書之

秋七月戊午朔上謂大臣曰昨訪遺書令猶未有至者朕觀本朝承五代之後文籍散逸太宗留意於此又得益昶李煜兩處所儲益之一時始備南渡以來御府舊藏皆失宜下諸路搜訪其獻書者或寵以官或酬以帛蓋

教化之本莫先於此也

己未復置國子監書庫官一員

庚申權尚書禮部侍郎秦燁兼資善堂翊善 秘閣修

撰知廬州李誼卒詔復敷文閣待制致仕

辛酉命尚書左司郎中王師心提舉南郊一行事務自  
是以為例

壬戌宣慶使宣州觀察使提舉江州太平觀陳永錫復  
為入內內侍省副都知



癸亥詔秘書省曝書會自正言以上及舊係館職行在貼職人並赴坐故事自大學士至直秘閣六曹尚書至正言皆與近歲省官外但及前館職與帶職人而已至是敷文閣直學士知臨安府王煥請依故事近例兩存之其後率如此例

甲子詔求遺書

丙寅上謂秦檜曰朕嘗與卿言候國用足日蠲賦以寬民力比卿兄梓朝辭亦議及此梓累典郡頗熟民事朕

謂若一概除之又恐用或不足浙西駐蹕之以民供不  
易臨安尤甚本路三等下戶與蠲一科庶貧民被實賜  
也

己巳吏部員外郎王揚英罷殿中侍御史李文會言揚  
英阿附孫近近敗乃附范同望罷斥以銷餘黨故黜之  
壬申詔兩浙民戶丁鹽錢多欠負者其除之先是上欲  
蠲浙西下戶田租而秦檜言豪民多分立小戶難以概  
免若蠲丁鹽錢則實惠正直下戶上可之且曰民間所

以不舉子者正以是也朝廷法禁非不嚴終不能絕其  
本乃在於此 是日雨雹

癸酉禮寺上孟饗景靈宮儀注時以新宮成上親行孟  
饗之禮而神御猶在温州乃設幄行事自聖祖至真宗  
用初日仁宗至哲宗用次日承順承元殿用三日 詔

諸州奏大辟刑名疑慮公案若刑寺擬斷雖非大辟官  
吏並免收坐以議者言慮僻遠小郡不能盡曉法意畏  
憚收坐不敢具奏遂致斷遣失當使犯罪之人無以辯

雪故也時左朝請大夫知邵武軍趙不棄亦請諸州奏  
謝但事干人命雖有不應奏者並免收坐事下刑部不  
行 初命國子司業高閎等補試生員四方來者甚衆  
丙子有司上合格三百人以徐驤為首驤浦城人也

辛巳武德郎兼閤門宣贊舍人韋謙為右武郎帶御器  
械

癸未奉安至聖文宣王于國子監大成殿命太師秦檜  
行禮時學初成上自題賜書閣榜曰首善

八月丙戌遣權吏部侍郎江邈奉迎景靈宮萬壽觀神宗神御于温州自海道至行在

丁亥有司言將來郊禮合用珠子坐褥上曰事天以誠為主如器用陶匏之類貴其質也若惟事華麗恐非事天之本意 詔諸路以有出身監司一員提舉學事俱無出身即從上一員兼管

庚寅尚書禮部員外郎段拂為起居舍人兼玉牒所檢討官拂言起字犯曾祖名辭不拜改宗正少卿

辛卯敷文閣直學士知臨安府王映守尚書工部侍郎  
壬辰直敷文閣知紹興府張叔獻陞直龍圖閣知臨安  
府

乙未國子司業兼崇政殿說書高閑乞率諸生上表請  
車駕臨幸太學上曰太宗幸學嘗令學官講經及各有  
恩例其令有司檢故事來上既而閱侍經筵講畢奏曰  
國學落成臣奉詔試補諸生幾六千人自中興以來雖  
三年省闈亦未有如此之盛上曰乍脫干戈人皆向學

此誠可喜聞曰近來場屋不無懷挾假授之弊前日頓  
革皆不敢犯上曰朕亦聞之此美事聞曰臣待罪學官  
見此美事諸生以為陛下方偃武修文與太祖初定天  
下之時同符趣舉建隆故事願陛下講臨雍之禮言未

畢上曰已令討論矣

此以日歷及熊克小歷參修但克附閱謹筵口奏之語于九月末又

稱是時上已有幸學之意而聞未知之則恐不然蓋討論故事乃因聞所奏又云所乞上表可依所請則聞安得不知意者聞以乞幸學事為胡寅移書切責故後來作行述者稍潤飾之克不細考耳今從日歷本文庶不

失

實

丁酉尚書兵部侍郎兼侍讀資善堂翊善程瑀試兵部

尚書

成成徽猷閣待制洪皓至自金國上即日引見內殿諭  
皓曰卿志不忘君雖蘇武不能過賜內庫金幣鞍馬黃金  
金三百兩帛五百匹象齒香綿酒茗甚衆翌日見于慈  
寧殿帝人設簾厚曰吾故識尚書矣命撤之皓退見秦  
檜語連日不止曰張和公敵所憚反不得用錢塘暫居  
而景靈殿太廟皆極土木之華豈非示無中原意檜不



悅謂其子秘書省正字适曰尊公信有忠節得上眷但  
官職如讀書速則易終而無味要須如黃鐘大呂乃可  
起居郎鄭朴權尚書兵部侍郎尚書左司郎中王師心  
權工部侍郎己亥以朴為賀大金正旦使左武大夫保  
順軍承宣使知閣門事何彥良副之師心為賀大金生  
辰使武功大夫解州防禦使幹辦皇城司康益副之時  
出疆必遣近臣故並遷二人自是以為例朴西安人也  
川陝宣撫副使鄭剛中獻黃金萬兩上諭秦檜曰頃

年張浚嘗獻千五百鎰是時有餘財卿可諭剛中不必  
循舊有餘則進若率於民則不可也

庚子直龍圖閣張邵自金國還入見邵言靖康以來迄  
于建炎使於金人而不返者至數人若陳過庭若聶昌  
若司馬朴若滕茂實若崔縱若魏行可皆執于北荒歿  
于王事而司馬朴之節尤為可觀劉豫既廢金人取河  
南地金帥達蘭使朴為尚書左丞欲以收南人之心朴  
辭以疾堅卧不起達蘭不能奪其後以病死陳過庭且

死其卒自割其肋取肝為羹以獻愈過庭之疾既死以  
北俗焚之其卒又自剔股肉投之於火曰此肉與相公  
同焚其感人如此聶昌割河東絳州人殺之滕茂實將  
死自為祭文人憐其忠崔縱中風坐廢三年其將死也  
以後事屬臣魏行可之死臣亦見之去冬臣請於金人  
尚書省乞挈縱行可之櫬以歸其宰執憐之朝命下所  
屬發遣而行可之櫬挈之往中京者乃不果發縱之櫬  
金人差丁夫輿致令臣舁之以來臣謹置之臨安府城

外妙行寺而臣之隨行使臣有呂達者本婺州人亦以  
病死於北界欲望聖慈以死事之例如過庭輩七八人  
其間恐有未經褒贈者而有司檢舉特賜恤典訪縱之  
家許親戚迎護其櫬而官助之葬下以慰忠義之魂於

九泉上以副陛下不忘臣下之心庶可激勵天下仗節

死難之義

卽行狀云疏奏秦檜怒降旨令開具逐人致死因依中省按史過庭昌茂寶皆已贈官推

思朴今年九月庚午贈官縱十二月庶子與恩澤行可  
明年正月乙丑贈官皆不行也但朴作直旨行下縱用

尚書省奏行可  
用其家自陳取

壬寅秘書少監姜師仲罷以殿中侍制御史李文會言其乘間伺隙唱為異議也左朝散大夫宋宙知興州還入見乞諸路州學已葺治者並置教授員又請罷諸縣武令上曰學官須逐州置昨已降旨恐州遠未及宜擇通經心術正者為之武令安能治民然亦難頓罷第令宣撫司以漸易置可矣

癸卯除名人范燾送融州編管永不放還燾數以上書狂妄被斥及是至行在言者慮其妄鼓唱為國生事乞

重賜遠竄故有是命

乙巳修武郎朱弁自金還行在奏朱邵史抗張忠輔高  
景平孫益孫谷傳偉文朱勣李舟僧寶真婦人丁氏晏  
氏卒閩進節義于朝乞優卹邵府谷人靖康初以秉義  
郎知鎮威城其死節甚偉具日歷抗濟源人為代州沿  
邊安撫副使忠輔為將領守崞縣景平崞縣人為隆德  
府部將益為福州觀察使知朔寧州谷朔寧人為益府  
屬皆以宣靖間死事實真五臺山僧靖康中嘗召對俾

聚兵討賊金人生執欲降之寶真曰我既許太宗皇帝以死矣豈妄言耶臨刑色不變北人嗟異丁氏度五世孫嘗適人後為敵所掠欲妻之丁氏罵敵不從絕於梃

下至是升裒其事上之疏入不報

升所奏及中省在九月今併附此傳文已

見紹興十一年十二月勅已見建炎二年五月自進已見建炎三年九月晏氏已見建炎三年二月此不別出

丙午中書舍人兼修玉牒官兼侍講楊愿試給事兼中軍

器監劉才邵守起居舍人兼權中書舍人殿中侍御

史李文會試侍御史

丁未以洪皓為徽猷閣直學士提舉萬壽觀兼權直學  
士院張邵陞秘閣修撰朱升為右宣教郎直秘閣並主  
管佑神觀 鎮西軍承宣使知階州兼節制階文龍州  
屯駐軍馬田晟為龍神衛四廂都指揮使主管侍衛馬  
軍司公事先是詔晟將所部三千赴行在遂以其衆隸  
馬軍司 右宣義郎湖南安撫司叅議官王鉅獻太元  
經解義賜白金三百兩 度支員外郎林大聲言江西  
州縣百姓好訟教兒童之言有如四言雜字之類皆詞



訴語乞禁示刑部請不以赦前後編管鄴州從之

已酉上與宰執論糶買事因曰令漕司各管一路有無不能相通宜放舊來發運置都轉運使一員通管諸路米賤處糶米貴處糶如此則有濟公私皆利可於從官中選通曉錢穀者付之秦檜言劉晏能權萬貨低昂使天下無甚貴賤而物常平上曰漢唐以來所可稱者晏一人而已自來人多耻言財利不知國家之所急孟子言無政事則才用不足此豈小事也起復德慶軍節

度使提點皇城司錢恂遷太尉以使北還也 樞密院

編修官吳垌提舉浙西茶鹽公事

自建炎至今以密編除提舉官者惟秦梓

錢堪及垌三人

武寧軍承宣使提舉醴泉觀公事駙馬都尉

石端禮卒

庚戌詔諸路監司守臣講究寬恤民力事件以大理寺丞吳鏞轉對有請也

辛亥直秘閣知虔州劉昉移知潭州 秘閣修撰主管

洪州王隆觀薛弼知虔州

壬子禮部言今歲南郊應罷孟冬朝獻景靈宮之禮從之自是以為例 初錢塘江有石堤以捍水故無水患歲久堤且圯乃置捍江兵二千人專令採石修堤人以爲便其後壯者以給他役弱者且不可用蓋僅存十之十或謂近歲潮東激而沙磧西湧故西雖不治而堤自固至是侍御史李文會言水勢不常方潮頭東激正西岸宜修之時乞招補捍江兵仍稍增其數使專採石修堤如曩制則潮不能爲患從之



建炎以來繫年要錄卷一百四十九

欽定四庫全書

史部

建炎以來繫年要錄卷一百五十一

詳校官侍讀學士臣陸伯焜

侍讀臣孫球覆勘

謄錄監生臣朱起鳳

謄錄監生臣陳遂

欽定四庫全書

建炎以來繫年要錄卷一百五十

宋 李心傳 撰

紹興十有三年九月乙卯監察御史李澗為尚書司封

員外郎

戊午復寧遠萬寧直隸三縣為吉陽萬安昌化軍並免隸瓊州仍以軍使兼知儋鄆縣事

庚申直秘閣湯鵬舉為淮南東路轉運判官

甲子徽猷閣直學士提舉萬壽觀權直學士院洪皓出知饒州時金人來取趙彬輩三十人家屬詔歸之皓曰昔韓起謁環于鄭鄭小國也能引誼不與金既限淮官屬皆吳人留不遣蓋慮知其虛實也彼方困于蒙古恃強以嘗中國若遽從之彼將謂秦無人而輕我矣若恐以不與之故致渝盟宜謂之曰俟淵聖皇帝及皇族歸乃遣秦檜大怒皓又言王倫輩以身徇國棄之不取緩急何以使人初檜在完顏昌軍中軍圍楚州久不下



欲檜草檄諭降有錫納者在軍知狀皓與檜語及簽事  
因曰憶錫納否別時託寄聲檜色變而罷翌日侍御史  
李文會即奏皓頃事朱勔之壻黃緣改官以該討論乃  
求奉使比其歸也非能自脫特以和議既定例得放歸  
而貪戀顯列不求省母若久在朝必生事端望與外任  
檜進呈因及宇文虛中事上曰人臣之事君不可以有  
二心為人臣而二心在春秋之法皆所不赦乃命黜皓  
尚書吏部侍郎魏良臣戶部侍郎沈昭遠並罷良臣

與秦檜里舊一日言於檜曰昨日不寐偶思得一事非  
晚郊祀如遷客之久在遐方者可因赦內徙以召和氣  
檜曰足下今為何官良臣曰備員吏部侍郎檜曰且管  
銓曹職事不須胡思亂量侍御史李文會即奏良臣卑  
凡昭遠朋附乃以良臣知池州昭遠知袁州大理寺  
丞李穎士面對論州縣斷獄蔽訟贖金之弊變成罰金  
多至數百緡人為破產願詔監司廉察按劾從之

乙丑左朝奉大夫秘閣修撰主管台州崇道觀趙子偁

守本官職致仕

丙寅給事中兼修玉牒官楊愿言本所見修玉牒合載靖康末推戴趙氏事竊慮太師秦檜有當時建議文字可見本末望令抄錄封送本所照用從之

丁卯吏部請以川廣轉運司京官使臣選人逐色差遣各置定差簿二面一留本部一納御史臺先是言者欲以四選逐色闕置總簿而本部言難以檢察乃分京官闕七選人闕十使臣親民監當闕凡二焉 御史中丞

兼侍講羅汝楸試吏部尚書左司諫詹大方論秘閣  
修撰主管佑神觀張邵奉使無成嘗與其副不協持办  
戕之其辱命為甚若置而不問恐遠人聞之必謂中國  
無賞罰望改授外祠乃以邵主管台州崇道觀已而邵  
又遺秦檜書言金有歸淵聖及宗室諸王意當為遣使  
迎請於是檜寢怒之

戊辰上謂大臣曰諸處有癘老廢疾之人依臨安例令  
官司養濟窮民無告王政之所先也兵部尚書兼侍

讀資善堂翊善程瑀充龍圖閣學士知信州瑀稱疾乞奉祀乃命出守國子司業兼崇政殿說書高閣兼資善堂贊讀

己巳吏部尚書兼侍講羅汝楨進兼侍讀太府寺丞張子儀面對言淮甸湘濮屢經殘破戶口未復望精選守令優其祿秩假以歲月寬其文法優游自盡其才三歲考察以戶口登耗為陞黜之典詔淮東京西監司歲終取州縣所增戶口數申尚書省

庚午詔故兵部侍郎司馬朴忠蹟顯著特贈兵部尚書賜其家銀帛三百匹兩以洪皓言其死節也

朴俊謚忠潔

辛未輔臣進呈衢州布衣柴翼蓋所進春秋尊王聚斲上曰朕已嘗觀但編成門類從後立說無甚意旨大率說經纔穿鑿即不足觀矣左朝請大夫知嘉州楊軾直秘閣軾上書言和戎之利權中書舍人劉才邵奏軾排斥姦言辨明國是有補治道故褒擢焉

壬申尚書右司郎中梁弁稱疾乞奉祠上曰士大夫有

操守安分而以疾乞去者甚可惜不比奔競之人朕嘗  
觀寶訓太宗朝士人有奔競躁進者必痛抑之抑奔競  
則廉恥之道興乃除直龍門閣主管洪州玉龍觀

癸酉左朝奉郎知建昌軍李長民言宣和以前應知通  
令佐陞銜並帶主管學事自軍興以來學校之教中輟  
今和議既成儒風復振謂宜依舊結銜以示聖朝偃武  
修文之意從之

丙子勅令所刪定官王晞亮秘書省正字潘良能宗正

寺主簿孟處義並與外任侍御史李文會言晞亮之於  
趙鼎良能之於李光處義之於汪藻皆潛植黨與窺伺  
朝廷動息密通私書相繼不絕偽造事端唱為異說喧  
傳四方實傷國體望賜罷黜以一內外之心天下幸甚  
乃以良能通判江州晞亮蒲田人也

丁丑詔寶文閣學士知成都府張燾依所乞提舉江州  
太平觀徽猷閣待制李璟知成都府

王明清揮塵錄餘話祖宗以來帥蜀

悉雜學士以上方為之李璟復次對制闔成都自是蜀帥職始設矣曹筠王剛中是也按紹聖間鄭雍守成都



不帶職政和間周燾上帶待制非自礪始紹興後蕭振符行中亦以次對為之不但曹王二人礪初以次對守成都後四年乃陞雜學士為制置使明清所記皆參差不合燾在蜀時有詔宣撫司

納契丹降人燾謂胡世將曰蜀地狹安能容且不監前朝常勝軍乎世將奏寢其事蜀自用兵和預買布疋折估錢二引民已病之至是轉運司迫餉軍增至三道成都一路總七十四萬七千有奇燾言昨降度牒二千稱提錢引數適相當願以此代輸從之初燾開府適當歲旱大發積粟以賑饑民撫存黎雅蕃部禁戢貪吏開修

渠堰蠲落江田稅遣獄訟修文翁舊學時與諸生講論  
經旨政無不舉蜀人大悅 徽猷閣待制提舉江州太  
平觀葉煥卒

戊寅秘書省正字洪皓添差通判台州洪遵添差通判  
常州迺遵以奉親自列乃有是命

辛巳戶部員外郎張漢彥罷漢彥與龍圖閣秦梓善侍  
御史李文會奏漢彥詐作梓書遺臣以別紙譖毀他人  
上玷朝廷有傷士體故罷

壬午徽猷閣待制知邛州馮楫為瀘南沿邊安撫使知

瀘州

冬十月甲申朔直秘閣新知邵州何麒落職主管台州  
崇道觀道州居住麒連為李文會所擊上疏愬之秦檜  
奏麒所言不實上曰此事果實亦不可行宜重加竄責  
以為士大夫誕妄之戒

丙戌太師尚書左僕射秦檜為郊祀大禮使參知政事  
万俟卨為禮儀使吏部尚書羅汝楫為儀仗使戶部尚

書張澄為橋道頻遞使禮部侍郎兼權直學士王賞為  
鹵簿使故事合祭天地于南郊謂之郊祀大禮元豐分  
南北郊改曰冬祀建炎初郊不改及是賞等既審于上  
始草郊祀儀注上之

戊子右宣教郎新監行在藏西庫曹泳添差通判秀州  
泳彬五世孫秦嬉婦兄也始以武易文故有是命

己丑太師尚書左僕射提舉詳定一司勅令秦檜等上  
國子監太學武學律學小學勅令格式二十五卷 權

尚書吏部侍郎江邈充集英殿修撰提舉江州太平觀  
尚書司勳郎中陳康伯為軍器監康伯與秦檜有舊  
及在朝路澹然無求檜嘗稱其清重焉

庚寅秘書丞兼國史院編修官嚴抑轉對言國朝會要  
仁宗時自建隆修至慶歷神宗時自慶歷修至熙寧而  
後來尚未編集事無所考望命儒臣續而為書抑又言  
渾儀之制祖宗所留意渡江以來缺然無有乞下太史  
局重創詔禮部及天文太史局並條具申省初上自海

道還臨安之次歲嘗命有司製渾儀以木樣進既而中  
寢故抑言及之

壬辰詔親衛大夫貴州防禦使知夔州范綜令再任

乙未奉安祖宗帝后及徽宗皇帝顯肅皇后神御于景  
靈宮太師秦檜為禮儀使先是遣官自海道奉迎至行  
在上曰此事至重朕甚慮之及聞出陸朕心始安前一  
日上乃詣承元承順殿告遷至是步導出行宮北門執  
政使相南班宗室迎拜訖前導至景靈宮參知政事万

俟高吏部尚書羅汝楫戶部尚書張澄分詣三殿行禮

時庶事草創乃建萬壽觀于樞星門內

十七年四月始改作

戊戌詔川陝諸州秋試舉人並用六月前鑠院先是成都府路安撫張燾乞就春月發揮庶使得解舉人可赴行在省試禮部言自來發解年係三月降詔故改用夏季馬

己亥上諭大臣曰自今宗子許於所載入學令與寒士同處第別作齋仍選士人為長諭庶盡變積習文行皆

可取也

庚子上詣景靈宮行款謁之禮辛丑亦如之

甲辰給事中兼修玉牒官兼侍講楊愿權直學士院

顯謨閣學士提舉江州太平觀汪藻落職永州居住右  
司諫詹大方論藻始遊蔡京之門終為王黼之客前日  
在朝異議者皆藻之所為今復居近地陰遣耳目刺探  
微密務為扇搖望令遠方居住以示懲戒之萬一故有  
是命直寶文閣充江浙荆湖福建廣南路都大提點



坑冶鑄錢韓球過闕入見陞直龍圖閣

丙午保信軍承宣使提舉萬壽觀邢孝揚為賓德軍節  
度使

丁未左承議郎權京西路轉運判官蔡安強直秘閣知  
襄陽府始用文臣也

是月湖州言長興縣民華小九取肝以療父疾詔旌表  
門閭

十有一月癸丑朔左正議大夫提舉台州崇道觀王仲

疑復顯謨閣待制致仕仲疑始坐江西降敵失官後復  
故秩至是獻紹興聖德頌于朝且遣秦檜書有云黃紙  
除書久無心於夢寐青氈舊物尚有意於陶鎔書未報

而仲疑卒權中書舍人劉才邵因言其所進頌既進歸

美之實而權制典雅真得家法之傳乃有是命

王明清揮麈錄

餘話王仲疑豐浦建炎初知袁州金人犯江西坐失守  
削籍後秦會之再入相會之仲山塔也豐浦以啟懇之  
會之為開陳詔復元官奉祠放行奏薦時豐浦寄祿已  
馬通議大夫不問職名所以諸孫皆奉京秩年八十餘  
卒按日歷紹興六年七月仲疑以上其父珪神道碑復  
左中大夫奉祠是時趙鼎當國秦檜未再相不知何時

再復元  
官常考

詔今年郊恩封贈封叔並令命詞給告以秘

書郎張闢轉對有請也

戊午上服袍履乘輦詣景靈宮行朝獻之禮遂赴太廟  
宿齋

己未朝饗太廟禮畢上服通天冠絳紗袍乘玉輅齋于  
青城

庚申日南至合祀天地于園丘太祖太宗並配自天地  
至從祀諸神凡七百七十有一設祭器九千二百有五

鹵簿萬二千二百有二十人祭器應用銅玉者權以陶  
木鹵簿應有用文綉者皆以緇代之初備五輅惟玉輅  
並建旗常餘各建所載之旗青城用蘆蓆絞屋爲之飾  
以青布不設齋宮以黑繒爲大裘蓋元祐禮也禮官以  
行在御街狹故自宮祖廟不乘輅權以輦代之禮畢上

不御樓內降制書赦天下

何備氣繼過宗廟則必有敬  
心見墟墓則必有哀心桐宮

爲自怨自艾之地却祀見其命宥密之意今屋靈之輪  
與一新園丘之規制一定風景雖殊山河頓異固不能  
不起秋風黍離春日蒲柳之嘆然天子建國宗廟爲先  
祭祀之典天地乃重鳴條之師正可告於皇天孟津之

舉亦可類於上帝則  
郊祀之舉亦未害也

丁卯秦檜奏前日蒙附出御書尚書來日欲宣示侍從  
官不惟觀陛下書法之妙又令知陛下聖學不倦如此  
上曰朕之性與人異無事則靜坐觀書所得甚多又曰  
朕觀古之人君有嗜殺人者蓋不能養性故多恣暴大  
率知足更無事貴爲天子誰能制之若不知足更爲侈  
靡未有不亂如唐明皇是也檜曰陛下聖德如此三代  
顯王何以加諸時上所寫六經與論語孟子之書皆畢

檜因請刊石於國子監仍頒墨本賜諸路州學詔可檜  
記於篇末略曰天降下民作之君作之師自古在上則  
君師之任歸於一致堯舜之世比屋可封此其效也陛  
下天錫勇智撥亂世反之正又於投戈之際親御翰墨  
書六經以及論語孟子朝賢從事爲諸儒倡堯舜君師  
之任乃幸獲親見之夫以乾坤之清寧世道之興起一  
人專任其責所爲經綸於心表儀以身者勤亦至矣所  
望於不應者豈淺哉詩不云乎思皇多士生此王國王

國克生維周之禎臣願與學者勉之

呂中大事記所幸  
聖心無欲君德無

玷檜雖使人上聖德頌而上萬幾之暇專意經術親書  
石經命儒臣紬繹其說初寒隆暑略無倦色又作損齋  
置經史古書於其中以爲燕坐  
之所且爲之記其講學不輟也

已已福建轉運司進錦樣上諭輔臣曰儻可備禮物之  
用亦無庸遠取第須令官給其直毋使及民恐閩中又  
生此一擾也 詔諸州將舊贍學錢糧撥還養士監司  
常切覺察毋得他用仍各具養士及錢糧數申省以右  
朝奉郎劉子翼知信州還有請也 除名人葉端瓊州

編管永不放還湍以事編置南雄州而守臣劉掄奏其

與訛造謗乞不以赦宥特竄遐陬故謫之

葉湍本末當考

庚午給事中楊愿假禮部尚書充大金賀元旦接伴使

容州觀察使知閤門事兼權樞密副使承旨曹勛副之

及還就充送伴自是以爲例

愿等就充送伴在明年正月朔降旨今併書之勛權

承旨日歷不見本院官屬題

名在十四年而無其月恐誤

癸酉太常博士劉嶸轉對言國之大事在祀昨自南渡

草創未能備物凡遇大小祀祭並權用奏告禮一遵一



豆酒脯行事此在當日固未遑議今時方中興容典未  
備如日月五帝且不得血食神州感生亦削去牲牢風  
雷蠶農盡寢其禮簡神瀆禮於是爲甚望明詔有司講  
求祀典凡不可闕者並先令復舊其他以次施行從之  
甲戌入內東頭供奉官睿思殿祇候鄭玘除名衡州編  
管左武大夫武勝軍承宣使侍衛步軍司統領張守忠  
降二官以守忠與玘交通而玘受守忠賂遺也

丙子詔北使往來並於盱眙軍鎮江平江府賜燕遺內

侍蒞之

戊寅侍御史李文會論戶部員外郎勾龍庭實仕於公朝而不知尊主之義望罷黜以清朝列上曰可與外任此人是川人大率川人多學蘇軾如江西人盡學黃庭堅上因說及梁師成蘇軾文字首尾都記得此人雖是內侍却讀書只是不合干預朝廷事如薦引士大夫皆非所當爲內侍引用人才最害政之大者此等人便當重置於刑厯觀諸古內侍薦引人才未有不致於亂者

乃以庭實知眉州

十有二月癸未朔日有食之詔避殿減膳是日陰雨不見太師秦檜率百官上表稱賀自是如之逮檜薨乃止甲申徽猷閣待制李正民提舉江州太平觀金人之叛盟也正民爲淮寧守以城降時孟庾路允迪皆已奪官而正民未及貶比歸以舊官見至是得祠

丁亥尚書禮部侍郎兼實錄院修撰兼侍講兼權直學士院王賞知利州侍御史李文會論賞外示樸野心實

傾邪程敦厚子壻也而賣之勾龍庭實何麟腹心也而人莫知之情厚貌深如此而他豈易測伏望速賜斥逐以厲百官故有是命

庚寅太師秦檜以瑞雪應時率百官詣文德殿拜表稱賀自是歲如之迄今不改 起居舍人兼權中書舍人劉才邵兼權直學士院

辛卯詔民間所用私鑄當二毫錢悉毀之違者抵罪自不及百錢以上皆許告賞時江右私鑄甚衆上諭輔臣

令嚴行禁止公私毋得用

壬辰樞密院編修官魏元若權太學博士臨安府府學教授林大禹權國子正左廸功郎新浙西安撫司準備差遣陳夔權太學錄用司業高閏請也夔大禹皆永嘉人也

癸巳詔試中監學生依嘉祐故事給綾紙用左朝請大夫新知永州熊彥詩請也彥詩言主上登用直儒載興太學監帖之制似可復行秦檜進呈上曰學校者人才

須素養太宗皇帝置三館養天下士至仁廟朝人才輩出爲朝廷用檜曰國朝崇儒重道變故以來士人雖陷敵者往往能守節義乃教育之效也上曰然三代之季學校不修故當時士人多無名節今日若不興崇學校將來安得人才可用耶 秘書丞嚴抑言本省藏祖宗國史歷代圖籍舊有右文殿祕閣石渠及三館四庫自渡江後權寓法慧寺與居民相接深慮風火不虞欲望重建仰副右文之意於是建省於天井巷之東以故殿

前司寨爲之上自書右文殿秘閣二榜命將作監米友

仁書道山堂榜且令有司即直秘閣陸宰家錄所藏書

來上

何補龜鑑藏書求書制禮作樂使不於此而汲汲焉則將踵漢人馬上安事之陋習而守殘補缺重

爲來世之嘆味東都熙洽之儀容而播鼓于河海亦豈  
或世之事矧秘書三館書籍經史凡所謂典章文物者

盡入于  
金也哉

是日賜喜雪御筵于尚書省初復故事也

甲午以郊禮畢恭謝景靈宮乙未亦如之又命內臣恭

謝萬壽觀神御

丁酉哲宗修容魏氏薨贈婉儀右宣教郎權勅令所

刪定官巫仍面對請增太學弟子員詔增二百餘句容人也

己亥奉國軍以節度使金房開達州安撫使金州郭浩來朝命坐賜茶 皇兄寧遠軍承宣使權主奉蓋王祭祀安時烏寧國軍節度使 起居舍人劉才卽試中書舍人兼權直學院宗正少卿段拂權尚書

庚子權尚書禮部侍郎兼資善堂翊善秦燾權尚書刑部侍郎周三畏並落權字 詔故左朝請大夫右文殿



修撰崔縱例外官具家一人以尚書省言縱奉使異域身亡理宜優恤故也

癸卯有司進呈賜北使弓矢上以其不精工命出內庫所造者賜之翌日諭大臣曰此朕自指教雖軍中人亦未必能之賜予使人不能觀羨兼器械之良亦可使遠人知所畏服

甲辰武德郎楊庭特換右通直郎庭政子以川陝宣撫司策試如式也

乙巳太師秦檜辭生日賜宴詔曰以不世之英值難逢之會其始生之日可不爲天下慶乎宜服異恩無守沖節檜每生日四方獻壽者金玉爲不足至于搜畫世間之希奇以爲侑錫賚躡至賜教坊樂佐酒一日伶人作雜劇之戲嬉笑聲徹高檜目之不語少頃檜起更衣久而不出其夫人王氏使人候之乃在一室中默坐論者

謂檜歎其不足以相副也嗚呼深哉

自檜每生日已下並以趙姓之遺史

本文修入

權尚書禮部侍郎段拂兼實錄院修撰

丙午侍御史李文會言金國遣使禮意至厚宜嚴戒有司討論舊典精加補緝以稱陛下和好之誠從之

己酉大金賀正旦使副左金吾衛上將軍右宣徽使完顏暄秘書少監馬諤見于紫宸殿金主遺上金酒器六事色綾羅紗縠三百段馬六匹自是正旦率如此例暄金主大父行也故事北使跪進書于殿下自通好後金使每入見捧書升殿跪進上起立受書以授內侍金使道其主語問上起居上復問其主畢乃坐暄等既見上

謂秦檜曰今汝使人來大體皆正其他小節不足較觀  
金人之意和議必須堅久檜曰所以然者由陛下御得

其道上曰非卿學識過人堅主和議安得如此  
臣謹按紹興三

十二年張忠建乾道七年烏凌阿天錫淳熙八年賀  
生辰人使皆爭進國書事而日昃載嘉待罪狀但云  
請近上臣僚受書而已熊克小雁乃云忠建欲以舊禮  
受書楊萬里撰虞允文碑又云尺錫進書說不肯起要  
我以故事所無之禮皆不得其詳龔頤正撰范成大行  
狀又云隆興再和名體雖正失定受書之禮上帝悔之  
乾道六年五月遷公起居即充祈請使公嘗早奏具言  
答書有曰抑聞附請之詞欲變受書之禮出於率易要  
以必從然亦不云舊禮如何以日歷會要大懷忠入  
見儀注及晁公恣收盟記參攷之迹書之儀大畧如此

故撮取附見以補史闕若遂畧而不書則後世將謂有不可書者故當記其寔也或可移附紹興三十年二月

初詔戶部尚書張澄館伴北使是禮久不講澄知舊制入國門前一日班荆館賜宴既至驛賜被褥紗羅翌日臨安府書送酒食又翌日乃朝客省賜茶酒垂拱殿晏退賜茶器翌日賜生餼從例折博游上天竺寺賜香及齋筵冷泉亭酒菓除夕賜內中酒食風藥花餽正旦殿賜茶酒大臣就驛御筵遇立春賜壽盤幡勝三日客省燕賜酒食內中酒食江下觀潮四日宴射賜酒果弓

矢例物五日大宴集英殿六日朝辭賜衣帶銀器臨安  
府書送贖儀大臣就驛賜宴密賜金銀翌日行賜龍鳳  
茶金鍍銀合又翌日班荆館賜宴遂為定式其後上以  
使人市買方物恐或擾民每北使至館即出內庫錢萬

緡付都亭驛過使人市物隨即取償自是以為例

出內庫錢

付驛市不見于他書今以三十六年七月癸亥宣諭聖  
語修入按日歷澄受命館客乃在十四年五月不知能  
克小愿何以繫之此  
惟敵使朝謁稱謂乃與伴使往來

視京都舊儀則有不同焉

日歷紹興三十二年三月六  
日按伴使洪邁等奏接伴慶

史舊例十四事三月七日閭門客省奏北使朝北禮儀  
三月二十五日館伴使徐嘉等奏館伴更改近例十四  
事並詳見本年  
月此不別出 又詔歲幣銀絹令淮南漕臣盱眙軍等

臣遣官過淮交割事畢取旨推恩于是所遣官六員各

減二年磨勛

日曆無此今以紹興三十三年六月甲子申明指揮修入

是歲宗歲子

賜名授官者十有五人諸路斷大辟八十八人 關外

初行營田凡一千三百餘頃 初申嚴淮海銅錢出界

之禁而閩廣諸郡多不舉行于是泉州商人夜以小舟  
載銅錢十餘萬緡入洋舟重風急遂沉于海官司知而

不敢問

此據湯鵬舉義附入二十六  
年五月甲子再降旨申嚴

金主亶初頒皇

朝新律其法千餘條大抵依倣中朝間有創立者如毆  
妻至死非用器刃者不加刑他率類此徒自一年至五  
年杖自百二十至二百皆以荆決髻仍投之遠使之雜  
作惟僧尼犯姦及強盜不論得財不得財並處死則與  
古制異矣

建炎以來繫年要錄卷一百五十